

Aguisín 2

Sainmhínithe

Gnátháit chónaithe agus Imirce

San áireamh sna figiúirí a bhaineann le gnáthchónaitheoirí i gceantar faoi leith tá daoine áirithe sa cheantar sin a dúirt go raibh gnáthchónaí orthu san áit a bhíodar áirithe inti, chomh maith le daoine eile le gnáthchónaí sa cheantar sin ach a bhí áirithe in áiteanna eile sa Stát. Níl gnáthchónaitheoirí ceantair nach raibh i láthair sa Stát oíche an daonáirimh curtha san áireamh sna figiúirí. Rinneadh gnáthchónaitheoirí a chódáil bunaithe ar chontae amháin.

Áitbhreithe agus Náisiúntacht

I gcás daoine a rugadh in Éirinn níor déanadh aon iarracht idirdhealú a dhéanamh idir iad siúd a rugadh sna Cathracha agus iad siúd a rugadh sna Contaetha taobh leo. Ní bheadh aon chiall ar aon bhealach lena leithéid d'idirdhealú mar gheall ar na síntí éagsúla atá tagtha ar theorainneacha Cathracha. I go leor cásanna bheadh áit chónaithe an duine taobh amuigh den Chathair nuair a rugadh é/í ach taobh istigh de theorainn na cathrach ag dáta an daonáirimh.

Ba cheart a thabhairt faoi deara nach bhfuil cuairteoirí chun na tíre san áireamh sna figiúirí atá tugtha do dhaoine a rugadh thar lear sa rannóg maidir le háit bhreithe (Cuid II) (seachas Tábla 34). Déanann Tábla 34 anailís orthu siúd áirithe sa Stát de réir contae breithe do na blianta 1991, 1996, 2002 agus 2006.

Chomh maith céanna, níl cuairteoirí chun na tíre san áireamh sna figiúirí do dhaoine neamh-Éireannacha atá tugtha sa rannóg a bhaineann le náisiúntacht (Cuid III).

Baile Iomlán agus Ceantair Iomlána Tuaithe

Is ionann an daonra sa Cheantar Iomlán Bhaile agus na daoine sin ina gcónaí i gconláin daonra de 1,500 cónaitheoirí nó níos mó. Ar mhaithe leis seo tá baile le teorainn sonraithe faoin dlí rangaithe ar bhunús an daonra iomláin, aon bhruach bhailte agus ceantair mhaguard san áireamh.

Tá an daonra atá ina gcónaí i ngach ceantar taobh amuigh de chonláin de 1,500 nó níos mó cónaitheoirí rangaithe mar chuid den Cheantar Iomlán Tuaithe. Coincheap ar mhaith le staitisticí é an Ceantar Iomlán Tuaithe agus ní bhaineann sé leis an iar-aonad riaracháin Cheantair Tuaithe.

Líon Príobháideach Tí

Is é atá i gceist le *líon príobháideach tí* - duine amháin ina chónaí ina (h)aonar nó grúpa daoine (ní gá go mbeadh gaol eatarthu) a bhfuil cónaí orthu ag an seoladh céanna le comhsocruithe tí - is é sin, go roinneann siad ar a laghad béile amháin sa lá nó go roinneann siad seomra teaghlaigh nó seomra suí. Le bheith san áireamh sa líon tí, ní mór don duine gnáthchónaí a bheith air/uirthi ann ag am an daonáirimh. Mar sin, ní chuirtear san áireamh cuairteoirí chuig an líon tí oíche an daonáirimh, ach cuirtear san áireamh gnáthchónaitheoirí a bhí as láthair go sealadach (ar feadh níos lú ná 3 mhí).

Líon príobháideach tí atá ina chónaí go buan i dteach, arasán nó seomra suí/leapa é *líon príobháideach buan tí*.

Líon príobháideach tí atá ina chónaí i gcarbhan, teacht soghluaiste nó áitreabh sealadach eile é *líon sealadach príobháideach tí*.

Aonaid Teaghlaigh

Is ionann aonad teaghlaigh agus:

1. Fear agus bean chéile nó lánúin a chónaíonn in aontíos; nó
2. Fear agus bean chéile nó lánúin a chónaíonn in aontíos le páiste nó páistí nár phós ariamh (d'aon aois) a bhfuil gnáthcónaí orthu ann; nó
3. Tuismitheoir amháin in éineacht le páiste nó páistí nár phós ariamh (d'aon aois) a bhfuil gnáthcónaí orthu ann.

Caithfidh baill teaghlaigh a bheith ina gnáthchónaitheoirí den líon tí chuí.

Tá líonta tí agus teaghlaigh aitheanta bunaithe ar an eolas a cuireadh ar fáil ar cheistiuchán an daonáirimh maidir le gaol taobh istigh den líon tí. I ndaonáireamh 2002 agus i ndaonáirimh roimhe bhain an cheist leis an ngaol a bhí ag gach duine sa líon tí leis an duine tagartha sa líon tí. Chuir an cheist a bhí in úsáid i ndaonáireamh 2006 an gaol a bhí ag gach duine leis an gcéad cheathrar sa líon tí san áireamh. Leis an leagan seo den cheist is féidir aonaid teaghlaigh atá níos casta agus neamhchoitianta a chódáil anois. Go háirid tugann sé deis measúnú níos cruinne a dhéanamh ar líonta tí ina bhfuil níos mó ná teaghlach amháin ina gcónaí.

Aguisín 3

Sceideal na bhFoilseachán ó Dhaonáireamh 2006

Cur Síos	Dáta Foilseacháin
Réamh Thuairisc	19 Iúil 2006
Príomhthorthaí Déimeagrafacha	29 Márta 2007
Imleabhar 1 – An Daonra Rangaithe de réir Ceantair	26 Aibreán 2007
Imleabhar 2 – Aoiseanna agus Stádas Pósta	10 Bealtaine 2007
Imleabhar 3 – An Líon Tí, Aonaid Teaghlaigh agus Torthúlacht	31 Bealtaine 2007
* Staitisticí Daonra na gCeantar Beag (SAPS) – athróga déimeagrafacha	07 Meitheamh 2007
Príomhthorthaí Socheacnamaíocha	21 Meitheamh 2007
Imleabhar 4 – Gnátháit Chónaithe, Imirce, Áiteanna Breithe agus Náisiúntacht	05 Iúil 2007
Imleabhar 5 – Cúlra Eitneach nó Cultúr (Lucht Taistil na hÉireann san áireamh)	26 Iúil 2007
Imleabhar 6 – Tithíocht	16 Lúnasa 2007
Imleabhar 7 – Príomhstádas Eacnamaíoch agus Tionscail	06 Meán Fómhair 2007
Imleabhar 8 – Gairmeacha Beatha	20 Meán Fómhair 2007
Imleabhar 9 – An Ghaeilge	04 Deireadh Fómhair 2007
Imleabhar 10 – Oideachas agus Cáilíochtaí	18 Deireadh Fómhair 2007
*Staitisticí Daonra na gCeantar Beag (SAPS) – gach athróg	25 Deireadh Fómhair 2007
Imleabhar 11 – Míchumas, Cúramóirí agus Gníomhaíochtaí Deonacha	01 Samhain 2007
Imleabhar 12 – Taisteal chuig an Obair, An Scoil agus chuig an gColáiste	15 Samhain 2007
Imleabhar 12 – Creideamh	29 Samhain 2007

*Beidh Staitisticí Daonra na gCeantar Beag (SAPS) curtha ar fáil mar tháblaí idirghníomhacha, saor in aisce ar shuíomh idirlín na POS